

# Da Biker

## Parodie zum bekannten Wildschützenlied

An ei-nem Sonn-tag mor-gens gar zei-tig in da Friah nimmt da  
Bi-ker sei Ra-dl und in Schutz fia de Knia. Er  
kennt ja die Weg und Steig für sei neigs Moun-tain-bike wohl im Ge-  
birg. Er kennt ja die Weg und Steig für sei neigs  
Moun-tain-bike wohl im Ge-birg. Kru-zi-fix no a-mal!

1. An einem Sonntag morgens – gar zeitig in da Friah  
nimmt da Biker sei Radl – und in Schutz fia de Knia.  
l: Er kennt ja die Weg und Steig – für sei neigs Mountainbike  
wohl im Gebirg. :|
2. Und er fährt frisch und munter – über Wiesn und Flur  
allweil höher und steiler – wohl der Bergwertung zua.  
l: Er schnauft und schwitzt, tuat fast scho speibm, – schalt nit zruck auf d große Scheibm,  
er is halt a Mann. :|
3. Und glei nach da Kurvn – überm Lärchnwald scho  
steht auf oamal a Schrankn – und a Taferl hängt dro.  
l: Es Radlfahrn is net erlaubt – weils so laut is und so staubt,  
und überhaupt. :|
4. Und da Biker wird grantig – und sagt: Des is net recht,  
weil da Wald ghört uns alle – wurscht ob Herr oder Knecht!  
l: Und was a echta Biker is – hat vor nix und neamand Schiss  
und fährt, wo a wüll. :|
5. Und er fährt oanfach weiter – schneidig aufrecht und grad,  
weil er is halt no oana – der sein Bikerstolz hat.  
l: Es lebe hoch die Bikerei – schrankenlos und ewig frei  
bis in den Tod. :|

# *Da Biker*

## Parodie zum bekannten Wildschützenlied

6. Und a kloans Stückl weiter – hinterm Gamskoglgrabn,  
ja, da huckt scho da Ferschta – auf sein Jeep obn drobm.  
! Gach kimmt eam via, als war da was – er nimmt sei Zeiss-und-Jenaglas  
und schaut ins Gesträuch. :!
7. Und er siagt glei den Biker – und er hatn glei kennt  
an sein Neonfarb-Outfit – weil des hatn fast blendt.  
! er holt no schnell sein Hund und legt – sich auf d Pirsch glei nebn an Weg  
ganz still und stad. :!
8. Und da Biker kummt zuawa – und da Ferschta springt auf  
und des tragische Schicksal – ja des nimmt halt sein Lauf:  
! Was du da tuast, des derf net sein – deshalb fahrst du hiatz voll ein,  
weil hiatzt zoag i di an. :!
9. Und da Ferschta macht Ernst und – er fragt nach sein Nam,  
und da Biker sagt: Ferschta – auf den wartst du lang.  
! Er draht ganz oanfach s Radl um – fährt davon mit einem Schwung  
und daschreckt den kloan Hund. :!
10. Und da Hund is a Jagdhund – und er tuat, was er muaß.  
Er stellt glei den Biker – und zwickt eam in'n Fuaß.  
! Der Bier schreit: I glaub, i spinn – kimmt mitn Radl in a Rinn  
und fliagt in an Grabn. :!
11. Und den Ferschta druckt s Gwissn – und in Biker druckt s Knia,  
s neiche Outfit is zrißn – er is aufgeschürft als wia:  
! Ferschta, liaba Ferschta mein – bind mir die Wundn ein  
und pick ma n Patschn. :!
12. Da Ferschta sagt: Biker – kimm, i nimm di gach mit,  
glei da hintn bein Hochstand – da steht ja mei Jeep.  
! Bevur i mit an Ferschta fahr – hupf i liaba, ehrlich wahr  
auf an Fuaß ins Tal :!  
– Kruzifix no amal!

Satz Franz Fuchs  
Buchberggasse 63  
A 3400 Klosterneuburg  
franz.fuchs@stammtischmusik.at